

OPĆINA STARI GRAD - SARAJEVO
Sektor za poslove mjesnih zajednica

INFORMACIJA
o radu Savjeta mjesnih zajednica
za 2017.godinu

Sarajevo, decembar 2017.godine

INFORMACIJA

o radu Savjeta mjesnih zajednica
za 2017.godinu

Aktualni saziv Savjeta mjesnih zajednica na području Općine Stari Grad Sarajevo broji 98 članova i isti su izabrani za članove Savjeta mjesnih zajednica u aprilu 2016.godine, a na osnovu Odluke Općinskog vijeća o raspisivanju izbora za članove Savjeta mjesnih zajednica na sjednici koja je održana 29.marta 2016.godine.

Mjesna zajednica je obavezan oblik mjesne samouprave i osniva je Općinsko vijeće, a u skladu sa Statutom jedinice lokalne samouprave. Mjesna zajednica se osniva kao oblik neposrednog učestvovanja građana u odlučivanju o lokalnim poslovima.

Pravilima mjesne zajednice uređeno je da Savjet MZ donosi poslovnik o svom radu. Savjet mjesne zajednice je izvršno tijelo mjesne zajednice. Poslovnikom o radu mjesne zajednice određuje se način rada Savjeta mjesne zajednice, obavljanje poslove i zadataka koji su od značaja za ostvarivanje interesa i potreba građana sa mjesnog područja, a sve je u skladu sa Pravilima mjesne zajednice i u skladu sa Zakonom o principima lokalne samouprave F BiH i Statutom Općine Stari Grad Sarajevo.

Savjeti mjesnih zajednica na svojim sjednicama razmatraju problematiku mjesnog područja, upućuju inicijative, prijedloge i sugestije za rješavanje problema komunalne infrastrukture i drugih problema koji se odnose na poboljšanje ambijenta življenja građana, kao i podizanje kvaliteta usluga komunalnih preduzeća koje oni pružaju, a tiče se urednog snadbijevanja vodom, javnog gradskog prevoza, uređenje javnih površina, odvoza smeća, uređenje saobraćajnica, problematika pasa lualica i dr. Svi navedeni problemi se definišu i donose zaključci koji se dalje prosljeđuju ka većim instancama vlasti odnosno nadležnim službama Općine Stari Grad, Kantonalnim resornim ministarstvima, javnim preduzećima i dr.

Prema Poslovniku o radu, Savjeti mjesnih zajednica su u 2017.godini održavali sjednice Savjeta najmanje jednom mjesečno, a po potrebi i više puta. Ukoliko se ukaže potreba sastanci su se održavali i sa građanima ili predstavnicima općinskih Službi i Kantona, kao i predstavnicima udruženja, javnih firmi i sl. radi rješavanja zahtjeva i određenih potreba građana.

(u prilogu: tabelarni pregled broja održanih sjednica Savjeta mjesnih zajednica i zborova građana po mjesnim zajednicama).

- Održavani su sastanci i kontakti sa predstavnicima sigurnosnih struktura, a mislimo prije svega na saradnju sa pripadnicima PU Stari Grad, pratili stanje na području mjesnih zajednica u oblasti sigurnosti i bezbjednosti i predlagali mjere kojima će se poboljšati postojeće stanje, svojim mišljenjima, sugestijama i primjedbama pokušali ukazati na bezbjedonosno-sigurnosnu situaciju na mjesnim područjima,
- Pratili stanje na području mjesnih zajednica u oblasti saobraćaja (u pokretu i mirovanju), te stanje u oblasti saobraćajne signalizacije (vertikalne i horizontalne) i zajedno sa sekretarima MZ predlagali mjere kojima će se poboljšati postojeće stanje,
- Po potrebi u toku godine organizovali Zborove građana, a u ovoj godini je najava Zborova građana išla i preko web stranice naše Općine,

- Savjeti mjesnih zajednica daju svoj puni doprinos, zajedno sa nadležnim općinskim službama, na realizaciji infrastrukturnih potreba mjesnih zajednica koji po prioritetu budu uvršteni u Budžet Općine Stari Grad,
- Daju svoje mišljenje o korištenju prostorija mjesnih zajednica, a na osnovu Odluke Općinskog vijeća Stari Grad Sarajevo,
- Savjet MZ donose i Odluke i druge akte iz okvira prava i dužnosti MZ-ce,

Članovi Savjeta mjesnih zajednica su redovno prisustvovali redovnim sjednicama OV, Tematskim sjednicama, javnim raspravama i drugim prezentacijama u organizaciji Općinskog Vijeća, a to su:

1. Uredno su dobijali materijale za redovne sjednice OV i prisustvovali istim,
2. Tematska sjednica o stanju sigurnosti na području Općine Stari grad,
3. Tematska sjednica o prevenciji kardiovaskularnih i zaraznih bolesti,
4. Tematska sjednica prijedlozi amandmana L do LV (50-55) na Ustav KS,
5. Prezentacija projekta „GRAS FOR ECO FUTURE“,
6. Javna rasprava na temu: Nacrt Zakona o proglašenju zaštićenog pejzaža „Bentbaša“,
7. Javni uvid u Nacrt urbanističkog projekta „Hladivode“,
8. Prisustvo predavanju o načinu funkcionisanja „Centra za promociju i unapređenje zdravlja“, 17.07.2017.g.,
9. Prezentacija o načinu izrade prioriternih projekata mjesnih zajednica na području Općine Stari Grad Sarajevo za period 2017-2010.godina i dr.

Općinsko vijeće je na redovnoj sjednici u januaru 2017.godine usvojilo **ODLUKU O IZRADI PLANOVA PRIORITETNIH PROJEKATA U MJESNIM ZAJEDNICAMA NA PODRUČJU OPĆINE STARI GRAD SARAJEVO ZA PERIOD 2017. - 2020. GODINA.**

Članovi Savjeta Mjesnih zajednica su prisustvovali prezentaciji na gore navedenu temu dana 22.02.2017.godine. Prezentaciju je održao zamjenik predsjedavajućeg OV Irfan Čengiđ uz prisustvo predsjedavajućeg dr.Jusufa Pušinine i drugog zamjenika predsjedavajućeg Sanela Dragolovčanina. Na osnovu ove Odluke Savjeti mjesnih zajednica su pristupili izradi planova prioriternih projekata, a stručnu pomoć su im prižili sekretari mjesnih zajednica i Sektor za poslove mjesnih zajednica. Ovaj vrlo zahtjevan posao je završen do predviđenog roka, a to je bio 01.06.2017.godine, kada je isti dostavljan OV i Općinskom Načelniku. Plan sadrži 6 oblasti za koje su se radili mini projekti.

(u prilogu: tabelarni pregled prioritetnih projekata po MZ).

Izveštajem za 2016. godinu upoznali smo Općinsko vijeće o aktivnostima na implementaciji projekta „Jačanje uloge MZ u lokalnom razvoju u BiH“. Naša Općina je potpisnica memoranduma o razumijevanju sa predstavnicima Razvojnog programa Ujedinjenih nacija u BiH. Cilj projekta je da se doprinese kvalitetnijem životu građana kroz veće demokratsko učešće i odgovornosti prema javnosti, kroz unapređenje usluga na nivou mjesnih zajednica, infrastrukturu i dr. Projekat predstavlja zajedničku inicijativu vlada Švicarske i Švedske i trajat će do 2019.godine, uz sufinansiranje lokalne zajednice (30%), a za sprovođenje je zadužen UNDP u BiH.

Šest starogradskih mjesnih zajednica je odabrano da učestvuju u ovom projektu i dugoročno je planirano unapređenje rada mjesne zajednice, a stukture mjesne zajednice će

imati priliku da ojačaju svoje kapacitete. U međuvremenu je došlo do izmjene dvije MZ u ovom projektu. Trenutno u projekat je uključena MZ Babića bašča, umjesto MZ Logavina.

Nastavljene su obuke i edukacije za članove Savjeta mjesnih zajednica, sekretara MZ i aktiviste u 2017.godini :

1. Umrežavanje mjesnih zajednica u sklopu projekta „Jačanje uloge MZ u BiH“- razmjena iskustava i dobrih praksi (osvrt na studijske posjete), 15.03.2017., Sarajevo
2. Trening, **“Lobiranje i zagovaranje” građansko učešće u izradi planskih i strateških dokumenata (budžet, prostorni plan i sl.), i donošenje odluka**“, 08.06.2017.g. Sarajevo,
3. Trening , **"Tema: liderstvo, uspjeh i aktivizam"** , 13.06.2017.g., Olovo,
4. Obuka za fasilitatore, 12.06.2017., Visoko,
5. Start Up **„Kreni“** i sati ženskog poduzetništva, 19.09.2017. Sarajevo,
6. Obuka na temu: **„Monitoring i evaluacija“**, 28.09.2017. Sarajevo,
7. Seminar: **„Efikasno vođenje s fokusom na komunikaciju“**, 21.08.2017. Sarajevo
8. Seminar **"Upravljanje projektnim ciklusom i razvoj zajednice"**, 01 i 02.07.2017.g, Visoko,
9. Upravljanje **„Projektnim ciklusom, i razvoj zajednice“**, 24 i 25.10.2017.g. Sarajevo,
10. Obuka : **Pisanje projekata**, 29 i 30.11..2017.g. Sarajevo

U nastavku su projekti koji su realizovani na pet (5) mjesnih zajednica kao rezultat obuka, seminara i angažmana Savjeta MZ, sekretara MZ i aktivista volontera:

1. Na MZ “Sedrenik” , izgrađeno i otvoreno dječije igralište u ulici Brdovita br.18,
2. Na MZ “Mošćanica” izgrađeno i otvoreno dječije igralište, **“Sve za dječiji osmijeh”**, kod O.Š.”Vrhbosna” , ulica Baruthana ,
3. U MZ “Kovači”, projekat :**“Uspostava informatičkog kabineta u prostorijama mjesne zajednice”**,
4. U MZ “Vratnik”, projekat **„Aktiviranja doma kulture u smislu organizovanja aktivnosti za djecu, mlade, žene i penzionere“**,
5. Na MZ „Širokača, realizovan je projekat sanacije i rekonstrukcije ulice Tandareva,

Mjesne zajednice su nastavile aktivnosti na projektima i rezultat toga su novi projekti (drugi ciklus):

1. MZ Mošćanica, odobren projekat na rekonstrukciji i sanaciji unutrašnjih prostorija objekta pod nazivom **„ Stvaranje adekvatnih uslova za kvalitetno funkcionisanje MZ Mošćanica“**, vrijednost projekta **40.199.00 KM**, (UNDP 17.000,00 KM a ostalo Općine Stari Grad), počeli radovi u novembru ove godine,
2. MZ Vratnik, odobren **projekat izgradnje dječijeg igrališta** u dvorištu OŠ Hamdija Kreševljaković, u vrijednosti 22.385,00 KM,
3. MZ Širokača, **odobren projekat izgradnje dječijeg igrališta** u dvorištu objekta mjesne zajednice, u vrijednosti 22.000,00 KM, počeli radovi u decembru ove godine,
4. MZ Sedrenik, **sanacija i rekonstrukcija dijela ulice I Bataljon** (150m dužnih), vrijednost projekta 22.032,00 KM, radovi u toku,

5. MZ Kovači, **sportsko igralište u ulici Nadmlini, urađena I faza** , vrijednost projekta 52.381,20 KM,
6. MZ Babića bašča, **odobren projekat „rekonstrukcije dijela ulice Franjevačka“**, u vrijednosti 22.035,98 KM , 108.65m.

U narednom periodu, Savjeti mjesnih zajednica će nastojati da svoj rad učine dostupnim što široj javnosti i da na taj način podstaknu i druge zainteresovane subjekte i građane da pokreću inicijative i da se aktivnije uključe u sve tokove života, a sve radi unapređenja i zaštite prava i interesa građana i razvoja lokalne samouprave Općine Stari Grad Sarajevo.

O b r a d a

Sektor za poslove MZ

P r e d l a g a č



Sektor za poslove MZ

TABELARNI PREGLED za 2017.godinu o radu savjeta mjesnih zajednica

R/br.	Mjesna zajednica	Broj članova Savjeta po MZ	Broj održanih sjednica Savjeta MZ	Broj održanih zborova građana
1.	Babića bašča	5	11	3
2.	Bašćaršija	7	11	1
3.	Bistrik	7	11	2
4.	Ferhadija	5	9	1
5.	Hrid-Jarčedoli	7	12	4
6.	Kovači	5	12	3
7.	Logavina	7	11	1
8.	Mahmutovac	5	11	2
9.	Medrese	7	11	2
10.	Mjedenica	5	9	1
11.	Mošćanica	7	9	3
12.	Sedrenik	7	9	2
13.	Sumbuluša	5	15	2
14.	Širokača	7	11	2
15.	Toka-Džeka	5	8	1
16.	Vratnik	7	9	2
17.	UKUPNO:	98	169	32

Napomena: podaci o broju sjednica Savjeta MZ i broju zborova su zaključno sa 01.12.2017.godine

Plan prioritetnih projekata po MZ za period 2017-2020.g.

			Ukupan broj aplikacija po oblastima					
MZ	Ukupan broj projekata po oblastima	Ukupan broj aplikacija po oblastima	1. Projekti iz oblasti komunalne infrastrukture	2. Uređenje naselja, parkova itd..	3. Projekti iz oblasti čišćenja javnih površina	4. Projekti iz oblasti zaštite i unapređenja životne okoline	5. Unaprijeđenje Kulture i obrazovne infrastrukture	6. Drugi projekti od interesa za rad i život građana
Babića Bašča	21	21	15	1	3	1	0	1
Bašćaršija	17	0	0	0	0	0	0	0
Bistrik	33	39	16	2	6	5	2	8
Ferhadija	6	6	3	2	1	0	0	0
Hrid Jarčedoli	62	36	31	1	2	2	0	0
Kovači	20	12	9	1	0	2	0	0
Logavina	19	10	8	0	0	2	0	0
Mahmutovac	34	34	20	2	2	3	1	6
Medrese	58	27	17	5	1	0	1	2
Mjedenica	7	7	7	0	0	0	0	0
Mošćanica	49	49	23	2	2	3	1	18
Sedrenik	24	23	17	1	1	1	0	3
Sumbuluša	21	12	8	0	0	1	1	2
Širokača	33	33	17	2	5	2	1	6
Toka-Džeka	31	31	14	2	3	2	1	9
Vratnik	20	20	12	2	3	1	1	1
Ukupno:	455	360	217	23	29	25	9	56